



*Embassy of the United States of America  
Manila, Philippines*

## **IMPORMASYON PARA SA DNA TEST**

---

**Ang pamamaraang nakasaad dito ay para lamang sa mga indibidwal na nasa Pilipinas o nasa U.S.. Kapag ang magpapa-DNA test ay nasa labas ng Pilipinas o U.S., ang DNA kit ay dapat na ipadala sa Consular Section ng U.S. Embassy sa bansa kung saan sya naroon.**

Dapat ipaalam sa *Consular Officer* kung ang aplikante o ang mga magulang ng aplikante ay nais magsumite ng *DNA test results*, bilang suportang dokumento sa aplikasyon para sa *derivative U.S. Citizenship* at *Consular Report of Birth Abroad*. Ang lahat ng gastusin o bayarin (tulad ng bayad sa *DNA kits*, bayad sa duktur o laboratoryo at *shipping fee*) ay sasagutin ng aplikante. Huwag mag *DNA test* hanggat hindi nirerekomenda ng *Consular Officer*. Ang *DNA test* na hindi dumaan sa proseso ng *U.S. Embassy* ay hindi tatanggapin.

Ang *U.S. Embassy* ay tumatanggap ng resulta ng *DNA test* bilang patunay ng pagiging magkadugo ng aplikante at kanyang mga magulang. Ayon sa *U.S. Department of State*, ang *DNA test* ay kailangang dumaan sa proseso ng isang laboratoryo na *accredited* ng *American Association of Blood Banks (AABB)*.

**Ang U.S. Embassy ay hindi sapolitang nagpapagawa ng DNA test.** Ito ay kusang-loob lamang at karaniwang nirerekomeda sa mga aplikasyon kung saan ang ebidensya ng pagiging magkadugo ay hindi sapat.

**Hindi lahat ng aplikasyon ay malulutas ng DNA test.** Sa mga kasong ang magulang na nagsasalin ng *U.S. citizenship* ay walang sapat na paninirahan sa Amerika bago ang kapanganakan ng aplikante o kaya ay kulang ang ebidensya na magpapatunay na *legitimated* ang aplikante, and *DNA test* ay hindi maaaring gamiting ebidensya.

**Ang U.S. Embassy ay mas pabor sa pagkolekta ng DNA specimen sa pamamagitan ng buccal swab (cheek or mouth cavity).** Para sa ibang pamamaraan ng pagkolekta ng *DNA specimen*, kinakailangan ng pahintulot ng *U.S. Department of State*. Asahan rin na mas matagal ang magiging proseso ng aplikasyon.

## Mga Hakbang sa Proseso ng DNA Test

1. Ang aplikante ang pipili at direktang kokontak sa isa sa mga laboratoryo na accredited ng American Association of Blood Banks (AABB) na makikita sa website na <http://www.aabb.org/sa/facilities/Pages/RTestAccrFac.aspx>

Pagkaraang makapili ng laboratoryo, ang aplikante ay dapat na:

- a. Mag-request ng tamang bilang ng DNA kits
- b. Bayaran ang DNA kits
- c. Ipadala ang DNA kits sa adres sa ibaba:

**U.S. Embassy Manila  
Consular Section- FPU  
1201 Roxas Blvd., Ermita  
1000 Manila Philippines  
ATTN: DNA- ACS**

2. Kapag natanggap na ng U.S. Embassy ang DNA kits, ito ay aming ipapaalam sa St. Lukes Extension Clinic sa Manila. Ang St. Luke's Extension Clinic lamang ang medical facility sa Pilipinas na maaaring mag kolekta ng DNA specimen para sa mga aplikasyon para sa U.S. citizenship sa ilalim ng U.S. Embassy.
3. Ang St. Luke's Extension Clinic ang kokontak sa aplikante para sa kanilang DNA appointment. Ang pagkolekta ng DNA specimen ay gagawin sa loob ng U.S. Embassy.
4. Mayroong collection fee na 1,500 pesos na dapat direktang bayaran sa St. Luke's Extension Clinic bago makolekta ang DNA specimen.
5. Sa araw ng DNA appointment, lahat ng magpapa-DNA test ay kailangang magdala ng valid ID. Para sa mga adults, magdala ng valid passport or valid government issued ID. Para sa mga batang nag-aaral na, magdala ng valid passport o school ID. Para sa mga batang wala pa sa sapat na gulang upang mag-aral, magdala ng kopya ng PSA birth certificate.
  - a. Siguraduhing nabayaran ang collection fee
  - b. Ang mga magpapa-DNA test ay dapat na dumating sa U.S. Embassy (kung saan kokolektahin ang DNA specimen), 30 minuto bago ang tinakdang oras ng appointment.
  - c. Pagkatapos makolekta ang DNA specimen, ito ay ipapadala ng U.S. Embassy pabalik sa laboratoryo kung saan nanggaling ang DNA kits.
  - d. Ang laboratoryo ang magpapadala ng DNA results sa U.S. Embassy.
  - e. Kapag natanggap na ang DNA results, ang American Citizen Services ay magpapatuloy sa pagproseso ng aplikasyon.

**Gaano katagal ang proseso ng DNA test?** Ang proseso ng DNA test (mula sa pag-order ng DNA kits hanggang sa matanggap ang DNA results) ay umaabot ng 6-8 linggo para makumpleto. Kapag napadala na ang DNA kits sa U.S. Embassy, maaaring abutin pa ng hanggang 10 araw bago ito ma-clear ng customs and security. Kapag natanggap na ang DNA results, ang mga aplikasyong may positibong resulta ay muling susuriin at maaaring abutin ng 3-5 linggo bago maisyuhan ng Consular Report of Birth Abroad o U.S. passport. Ang U.S. Embassy ay hindi maaaring magbigay ng kopya ng DNA results sa aplikante. Maaaring kontakin ang inyong napiling laboratoryo para makatanggap ng kopya ng resulta.

**Contact Information:** Kung may katanungan na may kinalaman sa DNA test, sumulat sa [ManilaDNA@state.gov](mailto:ManilaDNA@state.gov). Para sa aplikasyon sa CRBA/ Passport, maaaring sumulat sa [ACSInfoManila@state.gov](mailto:ACSInfoManila@state.gov) o tumawag sa (632) 301 2532 sa pagitan ng 1:00 p.m. at 3:00 p.m., Lunes, Miyerkules at Huwebes (maliban sa una at ikatlong Miyerkules ng bawat buwan, at sa lahat ng holidays ng U.S. at ng Pilipinas).